

ME HYE ASE WO NYANKOPON NE DZIN MU, ODOMFO, MOBORHUNFO NO.

Fida Nyamesemka: Kwakwar 22, 2013

(Friday sermon – 22<sup>nd</sup> February 2013 – Fante Translation)

**MUSLEH MAUD: ANOHOBA BA NO: FIDA NYAMESEMKA WO NYANKOPON NA MPAEBO HO.**

Hadhrat Khalifatul Masih dze too gua de, oda n'adwen do perepere de nde nyamesemka yi obaka afa Musleh Maud (Nyankopon N'enyi ngye no ho (NNN)) nkomhye no ho. Ohu de yekasa fa Musleh Maud (NNN) ho na yebɔ ndzembra ahorow a otumii yee dzin. Yehun Odomankoma nyimdzee adwen mu pow na nyansa wo guamu kasa na nyamesemka mu wo no ho ber mpo a nna ombeyee Khalifa. Sunsum mu nyimdzee hyee ne kasaa ma. Woetsintsim no Kasamu ahorow eduonu ebiasa a wato no dzin "Anwarul Uloom" a ne nkyekyemu biara obor krataafa ahaesia. Woda ho tsintsim iynom.

Demara na Fida nyamesemka no so woetsintsim ne kyefa kyefa eduonu anan ebody afe 1943 na woboko do etsintsim no demara. Yehwe iyi so a, kyefa biara bor krataafa ahaesia. Kuw a wotui sii ho ma oboaboa dwumadzi yi ano nye Fazle Umer Foundation. Kuw yi ama wrekyerɛ ne guamu kasa, n'akyerew na dza okeka ho nyinara ko kasa horow mu. Yehu de onnkyeyer na dza wakyere ase ko Ngyiresi kasa mu no aba guamu. Kasa horow pii na woridzi dwuma wo ho nkanka ara Arabik kasamu. Esuafo a woko Jamia Ahmadiyya ahorow mu roboa wo dem dwumadzi yi mu a oka hon kyerew nsem a wodze wie Shahid adzesua no.

Ampaara, oegyae hen n'abrabo mu egyptadze a mfe eduonum ebien mu no odze dzii Khalifat. Hon a woto buukuu mu kyefa kyefa yi bi no, wonnkenkan ne nyinara nnwie. Ahmadiyyafo aforor dodowara onye akaekyir mba nntum nnkenkan Urdu abjasee kasa noara. Wonnyim mber osii dandaan n'akyerew no. Hadhrat Khalifatul Masih Maud (NNN) kaa de ne mber do mba na mpanyimfo a wowo hon too Ahmadiyya mu mpo hon adwen nhwerow n'akyerew no mu. Se yekenkan no mbuukuu no a dza yebotum eenya enyigye kese wo ho ara nye ne nyimdzee a woto no abaw a onnyhia onye Odomankoma nyimdzee a oja no dza oda ewia na nsumaamu ho-. Hadhrat Musleh ber do no, nna mfir a otwe kasa na ma oyi mfonyin mmbobbo adze. Aka mber kumaabi ma no ndwuma nyinara abo adze no, wodze mfir kyer ne kasaa nkaa no mu bi. Mber yi mu mfir a wodze kyer kasa asesa naaso nkye onkotum akyer mber ne kasaa no, si dzi mu. Ndaase nka Nyankopon, No guamu kasa a okyerewee no ne kese noara wo ho, onye de dem ber no hon a wakyere nsem dze hon nsa ara ntsi oye a obeye de nnye ne nsem nyinara na wotumii kyerewee.

Hadhrat Khalifatul Masih aye n'adwen nde de obafa Hadhrat Musleh Maud (NNN) n'enumsem aka nyamesem no; oedua kwan a onam do ye asor na ne gyedzi wo Nyankopon mu de oye etumfo nyinara hon Wura. Oka de ogyina nsempow yi do baka nyamesem

osiandɛ sɛ yɛpɛ dɛ yehu biribi soronkɔ wɔ hɛn abrabɔ mu a ɔwɔ dɛ yenya esuahun papa bi fi kasapɔn yi mu na yɛdze kɔ nyɛɛ mu.

M'atwe m'anyenkofo hɔn adwen akɔ mpaabɔ do; na nkrataa horow a me nsa ka fi hɔn hɔ kyere dɛ Jama'at enya nkanyan dze bɔ mpaa fa bɔn a ɔwɔ hɛn wiadze yi ho. Mbom, mpaa a wɔbɔ no afa nkotsee no nndzi mu. Dza ohia nye dɛ mbanyin, mbasiafo na mbofra hɔn adwen nya nsesa wɔ mpaabɔ ho. Adwen mu nsesa ba wɔ ber a odzi kan no, ngyetomu na gyedzi ma nkenyan hɔn. Obi a ɔreyɛ asɔr no nnyi gyedzi wɔ asɔryɛ no mu a n'ebisadze nnye hɔ. Obotum aba no dɛ, ɔɔɔfabi a dem nyimpa yi wobotum agye ne mpaabɔ ato mu, mbom ɔnam nyekyerɛ do bɛma enya gyedzi wɔ w'akoma mu. Dɛ mbrɛ nhyehyɛɛ tse no, onyia no sɛ ɔgye to mu dɛ Nyankopɔn Kokroko no betsie ne mpaabɔ dza, ɔno ɔbɛyɛ hɔ. Nyankopɔn Kokroko no akã no wɔ Kuran mu dɛ, "Anaaso, ɔno a otsie ɔbɔbɔfo no no sufɛ" (27:63). Na afei ɔkaã dɛ Nyankopɔn nkotsee na ɔyɛ otsiefo. Arabik kasafua Muztir (ɔbɔbɔfo) kyere obi a wɔpiapia no fa nkyekyen anan do kɔ kwan kor do. Nyia a ɔnam dɛ woesisiw akwan anan nyinara do ntsi ɔfa kwan kor do no wɔfrɛ no Muztir. ɔno nye dɛ ogya etwa noho ehyia, ɔhwɛ ne nyimfa na ɔhwɛ ne bankum, ɔhwɛ n'ekyir, ɔhwɛ n'ase, ɔhwɛ no sor a ogya nko na ohu. Kwan kortsee ɔno nye Nyankopɔn Kokroko no no kwan nkotsee nna aka ma ohu, mbea nkaa no nyinara ogya mu ogya na ohu. Ohu asomdwee wɔ kwan kor pɛr do. Ihu no wɔ dem tsebea yi do dɛ ɔyɛ ehiadze papaapa dɛ inya gyedzi wɔ Muztir mu.

Muztir nnkyerɛ obi a ɔtsetsee wɔ n'akoma mu osiandɛ sɛ etsetsee a itum fa kwan kor pɛr do wɔ ber a nnyim dɛ bea no dze asomdwee bɛba anaaso ɔnnkɛfa aba. Ampaara, sɛ obinom tsetsee a wɔkɔ bea a ɔdze mbusu ba ma wonntum nnyi hɔnho mmfi mu. Dem ntsi, akoma mu ahohiahia nnkyerɛ dɛ eyɛ ɔbɔbɔfo. Mbom sɛ ɔba dɛ obi nnya guandɔbea wɔ akwan anan no mu a nna ɔyɛ ɔbɔbɔfo; sɛ ohu kwan kor no a ɔno ɔnnye ɔbɔbɔfo. Iyi nnkyerɛ dɛ ihu ogya wɔ mbea anan nkotsee a nna ebɛyɛ ɔbɔbɔfo; ɔkyerɛ so dɛ ihu asomdwee wɔ bea kor no do ma inya awerɛhyɛmu dɛ ogya nnyi hɔ. Nyankopɔn Kokroko no gye dem mpaabɔ yi to mu wɔ ber a ɔdasanyi yɛ mbrɛhoadze ma Nyankopɔn wɔ dem tsebea yi mu. ɔdasanyi yi wɔ gyedzi dɛ guandɔbea biara nnyi hɔ gyedɛ Nyankopɔn dze no. Nkɔnhyɛnyi Krɔnkrɔn (Nyankopɔn N'asomdwee na N'enyira ndwir no do) kasae faa dem Muztir tsebea yi ho dɛ: O me Nyankopɔn, guandɔbea biara nnyi hɔ a ɔtwe nyimpa fi ahohiahia na mbusu mu a ofir Wohɔ gyedzi ma midzi mbɔbɔ wɔ ho na motɔ guon befir Wodze no mu. Nyankopɔn aka no wɔ Kuran mu dɛ: "Anaaso ɔno a Otsie abɔbɔfo a wosu frɛ no no". Kasafua Muztir kyere mpaabɔ a obi a ɔfa Nyankopɔn dɛ ɔyɛ sumabew na ɔmmɔ obiara dzin gyedɛ Nyankopɔn. Dem Kuran kasapɔw yi twa fa mbɔbɔyɛ tsebea mu.

Hadhrat Musleh Maud (NNN) kɔr do kyereɛ mu dɛ: Yetse ampaara dɛ Nyankopɔn nkotsee na obotum eyi awerɛhow edzi naaso obinom botum dze hɔn ɔdomankoma akyɛdze ayɛ mboa ma ayɛ yie. Obi a ɔyɛ ɔdzefo botum aboa ɔkɔhwɛaban, na akwan horow mu na mboa bɔkɔ ama hɔn a wɔwɔ ahokyer mu. Na Nyankopɔn Kokroko kã dɛ: "Anaaso otsie ɔbɔbɔfo no sufɛ". Iyi ɔno, Muztir mmfa tsebea a obi wɔ mu ho; sɛ ɔkɔm dze no o, onnyi

efuradze o, nsukom dze no o, cyer o, anaa oso adze o. Tsebea a owo mu biara Nyia obotum aye n'ehiadze ama no nye Nyankopon Kokroko no. Onam akwan horow mpempem mu na nyimpa ko awereshow mu, zhen mpo nnkotum aye mboa wo iyi ho. Yemfa iyi nye mfatoho de obi nam kwaa kusuu bi mu ma abowa boyafu atentam no, zhen a cye dzen botum ako no mboa wo ho, se cye zhenba mpo a? Dem tsebea yi mu dze Nyankopon nkotsee na obotum aye mboa. Dem yi gyede odasanyi nya gyedzi nwanwansa wo Nyankopon nkotsee mu ansaana wodze dzin Muztir aato no do.

Ber a Indiafo hye Ngyiresi tum ase no nna dem nyamesemka yi baa do. Hadhrat Musleh Maud (NNN) ka de Ngyiresi Aban no enntum annye ekotobofu no a wohye hon tum ase no akokodurfo. Wopre de wonnkafa hon wo hon nsordaafo edwuma mu. Mbom hon a wonye Nyankopon dzi nkitaho no a woye ekotobofu mapã no beyee akokodurfo ma oman a wonka nkua no beyee omanmu kor. Se Nyankopon ma amanaman kanko a hon tsebea mu sesã, hon akoma sesã ma wonya ahodzzen bi a oto wiadze bobor. Dem tsebea yi nna nkye owo Arabiaman mu. Wonnyi amanye ho nhyehyee mbom woye ekuwekuw a wonnyi korye na tum. Nkomhyenyi Kronkron (NNNN) puei fii dem dom yi mu. Dom kumaabi na wogyee no too mu, ber a nna owo Makka. Nkorofu a owo Makka wobuu hon totooba na hon a wobeyee Muslimfo wo hon mu no, hon nkorofu Makkafo nkaa no buu hon totooba koraa. Na mbre Nyankopon sesaa hon beyee akokodurfo a waboaboa hon ano yie a! Arabfo a owo Makka no ammfa hon aso amma obiara anaade wobeyee setsie.

Hadhrat Musleh Maud (NNN) toow anansesem dze kyere mbre dem tsebea yi tse nna mbre omany mu nsesa sii wo Makkafo no mu. Okasae faa Nkomhyenyi Kronkron (NNNN) n'esuafo no mu kor a wofre no Hadhrat Abdullah bin Masood ho kaã de: onam tseaseanam kwantsenpon do nna otsee Nkomhyenyi Kronkron (NNNN) ne ndze de oreka kyere dom de wonntsena ase. Abdullah bin Masood tsenaa bea a owo noara na zhyee ase de roweawea ko asordan no mu eketsie nyamesem no. Obi bisaa no de cye den ye ma ereye dem yi na obuua no de otse de Nkomhyenyi de obiara ntsena famu nna oreye amma oanhwer no nkwa de obobu Nkomhyenyi (NNN) ne nsem do.

Yehwe bio so a, yehu de Medinafo nnwea oko ho. Woye ekuafu, edwuma a Arabfo faara wonnbu na wohu hon de wonnye nkorofu a wonye hon dzi ako a ose fata. Mbom aber a wonye Nkomhyenyi Kronkron (NNN) bwo awe no nsesa nwanwaso bi sii wo Medinafo mu a wokyere akokodur soronko wo Badr oko no mu a Makkafo tui hyee Medinafo no do no. Nna Medinafo suar eso wonnyi akodze papa biara. Hadhrat Abdur Rahman bin Auf a cye sordanyi akokodurfo kaã siw amandze ano de: se sordanyi papa nya akofo ma wotwa noho hyia a wobotum abo noho ban a ono oko kodzen. Dem ntsi na asordaafo apapa wodze hon hyee akofo no hon ntamu no ama wabo hon ho ban. Badr oko no mu, zhuun Ansari mberetsaba beenu bi a, woedzi mfe duenum a Nkomhyenyi Kronkron maa hon kwan de wonnkeka akofo no ho. Nna cye honara hon pe de woko oko. Aber a Hadhrat Abdur Rahman bin Auf huun hon wo ne nkyen no n'akoma tui osiaande wofi Medina a wonnwea

wɔ akodzi mu. Hɔnara nna ɔtsee de biribi eputsi no wɔ ne nyimfa afamu. Mbofra no mu kor wɔsaa no kaã de ɔnhwe nhu Abu Jahl wɔ akono ho, ɔno a okyir Nkɔmhyenyi Krɔnkrɔn (NNN), ama hɔn so woedzi no wer. Ansaana ɔrubobua no no, ɔtsee de obi so eputsi no wɔ ne bankum afamu. Abofra kor no so bisaa asem kor noara na ɔpɛ de odzi Abu Jahl wer. Hadhrat Adbur Rahman tseen ne nsa wɔ Abu Jahl no do dze kyerɛ mbofra no. Nna Abu Jahl hye akofo no hɔn finimfin a asahen akokodurfo beenu kitsa kitsa hɔn nkrantsee robɔ noho ban. Oyii no kyerɛ mbofra beenu no ara per na wotui hye no do de akroma etu ahye anoma do na wopiraa Abu Jahl. Hɔn mu kor ne nsa tsewee wɔ epintapinta no mu na ɔkor do ara koe ma wɔdze Abu Jahl n'ekyir kaa famu wɔ ber a nna o'epira.

Dem ntsi mbrentseba beenu yi a wofi dɔm a wobu hɔn de wonnyim kɔ yi tumii dzii dwuma a ɔye nwanwa. Wotumii piraa ɔkofo ketekyi a ɔtse de Abu Jahl ma owui wɔ n'amandzahun mu. Mbofra beenu a wonnyi suahun wɔ kɔ ho nna wodzii dem dwuma yi. Medinafo gyedzi a wonyaa no wɔ Nkɔmhyenyi Krɔnkrɔn (NNN) mu ntsi na wɔye akokodurfo na akofo dzen no.

Asem kor so a ɔmaa Arabfo enntu mpon wɔ dem mber no nye de ɔbarimba bi pɛ de ɔwar akatasia bi, ntsi ɔkor ɔbaa no ne papa ho keserɛ de ɔpe de ohu ɔbaa no n'enyim na ne papa no ammpen. ɔbarimba no kor Nkɔmhyenyi Krɔnkrɔn (NNN) ho dze asem no kɔtoo n'enyim. Nkɔmhyenyi Krɔnkrɔn (NNN) no buaa de ɔbaa no n'egya annyɛ no yie de ɔ'amma ɔanhwe ɔbaa no n'enyim ɔnam awar ho ntsi. ɔbarimba no sanee kor ɔbaa no n'egya ho dze dza Nkɔmhyenyi kae no kɔtoo n'enyim. ɔbaa no n'egya emmbu ɔbarimba no na ɔnam n'ahokyerɛ hun no do ammpen ma o'ennhu ɔbaa no n'enyim. Iyi rokɔ do nyinara nna ogu ɔbaa no n'asomu ntsi ofir edzi wɔ ber a nna ɔnkataa n'enyim. Obisaa ne papa siantsir a ɔmmpen wɔ ber a Nkɔmhyenyi akyerɛ de ɔwɔ de ohu ɔbaa no n'enyim ɔnam awar ntsi. Afei ɔkaã kyerɛ ɔbarimba no de ɔaba ntsi obotum ahwe n'enyim. ɔbarimba no kaã de onhia de ɔbɔhwe n'enyim osiande ɔpe ɔbaa a ɔye setsie ma Nyankopɔn na No somafo. Dem ntsi Nyankopɔn sakyee Arabfo hɔn akoma ma afei dza ɔsom hɔn bo nye wobonya Nyankopɔn na No somafo ho enyigye.

Hadhrat Musleh Maud (NNN) kaã de: wiadze yi mu aban biara nnyi ho a obotum asaker akoma. Nyankopɔn Kokroko nkotsee na Obotum asaker akoma. Ekotoo dan beye akokodurfo a ɔnam Ne mbra do na akokodurfo dan beye ekotoo a ɔnam Nyankopɔn ne mbra do. Nsadzenfo dan beye ayemuyiefo a ɔnam Nyankopɔn ne mbra do; okotobɔfo dan beye nwomahufo a ɔnam Nyankopɔn Ne mbra do; nna nwomahufo dan beye ekotobɔfo a ɔnam Nyankopɔn ne mbra do. Se Nyankopɔn hye ɔman bi de wɔnsɛ no a, no nwomahufo no dan ye ekotoo, akokodurfo no dan beye ekotoo, n'ayemuyiefo no dan beye akyekyerdzefo na n'etumfo no ye mberew. Mbom Nyankopɔn pe de ɔkrɔn ɔman bi a, n'ekotoo dan beye akokodurfo, ekotobɔfo dan beye nwomahufo, n'akyekyerdzefo no dan beye ayemuyiefo na no nkɔsefo no dan beye enyansafo. Mfatoho pii na yeehu no wɔ ɔdasanyi n'abrabo mu.

Yeehu iyinom wɔ Ahmadiyyafo so mu. Obi a onnyim nwoma dzi nokwardzi beye Ahmadiyyanyi. Mbom ɔbeye Ahmadiyyanyi per nna ɔbeye anotseweefo a Maulwi akesefo pii suro de wɔnye no beye mpensampensamu na wɔhye ase yi no akwa. Yeehu so de binom a wonyim nwoma wɔ hen Jama'at no mu na ɔnam de wonndzi nokwar mma Ahmadiyya ntsi wɔda ho tsena hɔn ekotobɔ mu a wonnyim nyamesem ho nyimdzee de mbre wɔtse dadaw no ber a nna wɔmbeyee Ahmadiyyafo no. Iyi da no edzi pefee de hen nyimdzee mmfir nyimpa na Nyame dze maa hen; hen akokodur nnye hen ara hen akokodur mbom ofir Nyame; hen afɔrɔ nnye hen ara hen dze mbom ɔnam Nyame No mboa do. Se akokodur mmfir Nyame a; se hen nyimdzee mmfir Nyame a; se hen akokodur mmfir Nyame a nkye nokwardzi ben na ɔnye no bɔbɔ do. Nkye ne nyina begyina suban, edwumadzen ne nyee na nyimpa ne mbɔdzen bɔ. Mbom yehu de hɔn a wɔtɔ kɔ wiadze ndzemba do no ye ekotobofo wɔ dem ndzemba yi ho. Mbom wɔwɔ nokwardzi ho akoma.

Ber a ɔrekyere mu no, Hadhrat Musleh Maud (NNN) kaã de Anohoba Messiah (ANN) wɔ ɔsomfo bi a wɔfre no Peera a ɔnnye ɔdodow mu ɔbemfo. N'awofo paa no abayen maa Anohoba Messiah (ANN) ma ɔyee no edur na ɔtsee apɔw no nna ɔtaa tsena fi bobow kese no ano mber tsentsen ma wɔsomasoma no na ɔkɛka nkra so. ɔnnye Salat. Hadhrat Maulana Nur-ud-din (NNN) taa de ɔma ohu hia a ohia wɔ salat ne nyee ho. Da kor bi ɔkɔr de ɔrekyee salat na ber a ɔreye no basia bi baa befre no de ɔmbegye edziban na ber a ɔanntse ngyedo biara no ɔmaa ne ndze do kese fre no de ɔmbegye edziban no ɔno ɔbehhyehye no ahorba. ɔtsee ne ndze ngyegye mbordo no. ɔtsee ɔbaa no ne ndze ntsi ber a ɔtsena famu a odzi ewie wɔ n'asɔrye mu no ɔkaa mu kese see de se ɔye asɔr wie a ɔbaba.

Anohoba Messiah (ANN) akã no dadaw de dem aber nna post ofese (post office) nnyi Qadian eso nkitahodze ho akwan nnyi hɔ. Se nkorɔfo dze keteke kodwiir Batala keteke gyinabea hɔ a Maulwi Muhammad Hussein Batalwi ma nkorɔfo a wɔrokɔ Qadian no sian famu na ɔsee hɔn adwen dze tsia Anohoba Messiah (ANN). Da kor bi, ɔmaa Peera sianee na ɔbɔɔ mbɔdzen de ɔbesee n'adwen. Peera buaa de onnyim nwoma eso n'adwen mu mmpiwii na adze kor a onyim nye de Maulwi onyimdzefo yi mma kwan ma nkorɔfo nnkɔ Qadian. Mfe pii na ɔba keteke gyinabea hɔ dze amonadze tse de telegram na dza ɔkɛka ho bɔmona, na ohu de Maulwi onyimdzefo ber biara osanka nkorɔfo a wɔrokɔ Qadian. Na obiara mmfa n'aso mma no. Aber a "Mirza Sahib" wɔ Qadian no nkorɔfo dzii ne nkyen nkɔree na mbaa. Iyi wɔ ne siantsir! Hwe nyimpa a onnyim salat ne nhyehyee papa biara mpo maa Maulwi Muhammad Hussein Batalwi mbuae a odzi mu mapã. Hɔn a wɔkã kua Nyankopɔn ho no ɔkyere hɔn akwan a ɔye nwanwa, osiande Onyim biribiara. Se ndzemba bi kɔ kyew a Nyankopɔn tsentsen no, Nyansa mu sintɔ no Nyankopɔn ye no yie; akokodurmu sintɔ no Obotum ahye no mã; adɔye mu sintɔ no Obotum aye no yie; ohia sintɔ no, Obotum ahye no mã. Se yetwa no tsia a, Nyankopɔn wɔ ahodze biara na ɔnam akwan a ɔye nwanwa do dze ma N'asomfo.

Da bi America Sofo bi a ne nkã ko kan ara yie kor Qadian a nna sofo bi ka no ho. Dr. Khalifa Rasheed ud din nye hon bo aporow wo ho. Dem ber no nna Qadian nnyi nkorowo a wohwe kurow no ne nsiesie ho ma nwura ahye guamu ma. Sofo no kasae tsiaa "Messiah foror" no no kurow a no mu nntsew no ho. Dr. Rasheed ud din buaa de India da ho hye Messiah a odzi kan no n'amanbu no ase (British India Raj) na iyi oda ne nwansanwansaye edzi mbom "Messiah foror" n'aban nnyae mmbae ana. Sofo no kehya Musleh Maud (NNN) na obisaa no Islam hon gyedzi a ofa owuetuadaa ho (transmigration). Ntsemara na ohuun mbre otow ako. Sofo no rohwehwe akyerε de gyedzi a okyerε de Anohoba Messiah (ANN) no afa Yesu no su no kyerε de on Yesu no sunsum abahen Anohoba Messiah (ANN) no sunsum mu anaa. Se otse dem dze a nna okyerε de oye owutuadaa, gyedzi a Kuran yi no to kyen. Womaa otsee de ampara de ye gyedzi de Anohoba Mesiah (ANN) no su tse de Yesu dze wo sunsum afa mu na nnye nyimpadua mu bi a. Sofo no n'asembisa a otodo ebien nye asem a oye konsee wo adwen mu a ofa no bea a Anohoba Messiah (ANN) no fii puei. N'adwen mmfua Qadian de oye bea a owo de wodze asem no fi petse wiadze ne fenandze nyinara. Wotwee sofo no n'adwen gyinaa Nazareth ne kese ho ber a Yesu baae no. Adan a owo ho suar koraa a ombbor duebien. Ampara, bobor boor sofo no.

Mber bi Mullah bi kor Musleh Maud (NNN) ho na obisaa no de onkyere no Anohoba Messiah (ANN) no ho nsenkyeredze a oda no nokwar edzi. Na Hadhrat Musleh Maud (NNN) kaã de Kuran nyinara dzi Anohoba Messiah (ANN) no ho dase de mbre Kuran dzi akomhyefo nyinara hon ho dase wo akwan ahorow pii do. Kuran nyiyimu bi wo ho a onnye dzen de yebotum dze atoto ho. Nna nyiyimu bi so wo ho a ne ntseasee ye dzen ma dom pii. Na wo kaã kyerε Mullah no de onara nnyi "ayat" (nyiyimu) bi wo Kuran mu. Na oyii "Na nkorowo bi wo ho a, woka de yeye egyedzifo wo Nyankopon no mu onye atsemuadaa no, naaso wonnye egyedzifo koraa (2:9). Hadhat Musleh Maud nyim de onam Nyankopon ne tum do ntsi banyin no beyi nyiyimu bi a ofata, na dem ara so na oye. Nna woedzi kan abisa de wo mber a muslimfo ridzi Kuran nhyehyε do yi, ebenadze ntsi na yebhia okomhyenyi? Hadhrat Musleh Maud (NNN) kaã kyerε no de, se Nyankopon aka no wo Kuran mu de muslimfo no bi beyew kwan a, nna ebenadze ntsi na onnyi de Obosoma nokomhyenyi ma abasesa hon. Iyi maa antow n'anomu.

Hadhrat Musleh Maud (NNN) kaã de, biribiara fi Nyankopon ho, na nyimpa ne tum nnkotum aye hwee. Dem ntsi na owo de etse ase de se yeammba mpa wo Muztir gyinabew mu de ibenya gyedzi de Nyankopon nkotsee na oye wiadze yi mu adasamba nyinara hon ebisadze ma hon na Ono Nyankopon nngye dem mpaabo no ntomu gyede obo mpa wo Muztir gyinabew mu. Nkorowo bi wo wiadze a dza Nyankopon dze ama hon no wo yi bi ma naaso dzaa wobotum aye ara nye de wobotu atar ahye obi. Binom so wo ho a dza wobotum aye ara nye de wobesi dan ama obi efi dza Nyankopon dze ama hon no mu. Nkorowo bi so wo ho a wodze hon nyimdzee a Nyankopon dze ama hon no beboa binom na dza wobotum aye

ara nye de wɔbesa hɔn yar. Binom so wɔ hɔ a hɔn nyimdzee botwitwa agye binom wɔ asɛndzibea wɔ aber a wɔrenngye hɔn gwetɛɛ biara.

Naaso obiara nnyi hɔ a obotum aye dem ndzemba yi nyinara abɔmu kor. Obiara nnyi hɔ a obotum asesa obi n'akoma; obiara so nnyi hɔ a obotum asesa obi ne atsenka. Nyankopɔn pɛr na ɔwɔ tum a wɔdze ye biribiara. ɔno pɛr na Obotum asesa akoma na no mu atsenka gyede otum bɔ mpaa de Muztir (ɔwɔ gyedzi wɔ Nyame mu de ɔno nkotsee na Obotum aboa no) na onya awerehyemu na gyedzi nye anyidado a no mu ye dzen ansaana Nyankopɔn agye ne mpaabɔ no atomu. Ampaara de, se obi bɔ mpaa wɔ dem gyinabew yi mu a, Nyankopɔn gye ne mpaabɔ to mu.

Hadhrat Musleh Maud (NNN) ne Fida Nyamesemka no mu bi na makã akyerɛ hom yi. Se yɛpɛ de yɛbesesa hen gyinabew a, ɔwɔ de yɛbɔ mpaa wɔ dem kwan yi do. Yesere Nyankopɔn de ɔma yenye de nkorɔfo a wɔbɔ mpaa wɔ dem kwan yi do.

Iyi ekwir no Huzur kaã Owura Azim sahib a nna ɔye edwuma wɔ Ziafat wɔ London no wu ho asem. Nna ɔwɔ etuhoama sunsum a wɔdze som nkorɔfo. ɔnnkekyer na yeaye no funsie asɔr. o'egya mbofra a wɔda ho ye adzesuafo. Yesere de Allah bɔbɔ hɔn ho ban. ɔnye hɔ.

Translated by: 1. Mr. Alhassan Kobina Atta-Wenchie  
(Tutor in English Language, Jamiatul Mubashireen, Ghana)  
2. Maulvi Alhassan Bashir Annan Sahib  
(Tutor, Jamiatul Mubashireen, Ghana)  
3. Rasheed Possible Essuman Sahib  
(First Year Student, Jamiatul Mubashireen, Ghana)

Downloaded from: [www.jamiatulmubashireen.org](http://www.jamiatulmubashireen.org)

Contact: [www.jamiatulmubashireen.org/contact-us](http://www.jamiatulmubashireen.org/contact-us)